


Info 1, 

☒ 17. oktobar u svijetu se obilježava kao dan borbe protiv siromaštva

NTV Montena, Info 1

October 17, 2009

U svijetu se obilježava međunarodni Dan borbe protiv siromaštva, koji je prema ocjeni predstavnika programa Ujedinjenih nacija za razvoj, prilika za prepoznavanje napora i borbe siromašnih ljudi. Svjetski Dan borbe protiv siromaštva je, kako su kazali u UNDP-u šansa i da se čuje glas siromašnih, ali i trenutak da se shvati da su upravo oni na prvoj liniji u okršaju protiv te društvene pojave.

Prilog

U UNDP-u su saopštili da siromaštvo i društvena isključenost u CG i dalje vidljiv fenomen, iako je zemlja nekoliko posljednjih godina ostvarila impresivan rast. Prema podacima iz nedavno objavljenog nacionalnog izvještaja u razvoju po mjeri čovjeka 10.8% stanovništva u CG i dalje živi ispod linije siromaštva. Više od polovine siromašnih, 62% živi na sjeveru zemlje. Iz UNDP-a su podsjetili da su neke grupe stanovništva siromašnije od ostalih. Romi, Aškalije i Egipćani su najranjivija populacija sa stopom siromaštva 36%, slijede raseljene osobe, korisnici prava socijalne i dječije zaštite, penzioneri, dugotrajno nezaposleni i osobe sa invaliditetom. Oni su dodali da se svi izazovi za stanovništvo koje živi u siromaštvu ne mogu riješiti odjednom, kao i da je važno nastaviti sa intezivnim naporima na reformama na zdravstveno, obrazovno, socijalnoj politici mjerama koje za cilj imaju smanjenje regionalnih disproporcija u razvoju, kao i unapređenje socijalnih i usluga zapošljavanja. Međunarodni Dan borbe protiv siromaštva u svijetu se obilježava od 1987. godine, kada je u Parizu pred oko 100 000 otkriven spomenik posvećen borbi protiv te pojave.